



Rabu, 17 Juli 2024
Ogen: TITUS 2:4



KELENG ATENA ANAKNA



Kasih ibu kepada beta, tak terhingga sepanjang masa
Hanya memberi tak harap kembali
Bagai sang surya menyinari dunia

Enda merupakan sada enden-enden si rusur nari iendeken i sekolah-sekolah, nginget kerna kehadiran sekalak nande i tengah jabu. Nande selaku pelindung, dengen penopang man anak-anakna. Kidekah perkembangan teknologi informasi enda, kepe mbue si dat berita, maka mbue pendantsen si nguda langa ngasup ngepkep anak i tengah jabuna. La ia berperan selaku nande ingan tertande, tapi ia desken kayu buruk, simaba kecedan man anak-anakna. Istilah *baby blues, langa siap mental*, epe megati erbahanca anak-anak e lanai ndatken keleng ate si cukup guna perkembangan mental, karakter bagepe kesehaten anak e. Lit anak-anak tubuh ibenterken ku ingan sampah, itadingken i kamar mandi umum, iamparken tengah dalan. Tuhu-tuhu erbahanca ceda pusuh.

Enda kerina jadi tanggungjawabta ras-ras. Tuhan ngerana arah rasul Paulus, maka arus diberu-diberu si nggo metua ngajaraken man diberu si nguda denga gelah keleng atena jabuna, selaku ndehara ras nande. Kita kerina iajuk siajar-ajaren ras radu mpergegehi teman guna ngelebeken keleng ate ras kemediaten man jabuna. Labo memang menukah jadi sekalak nande si metanggung, tapi kita banci njadikan doni si genduari gelap enda jadi ingan si terulin, adi kita radu mpersingetti. I bas hari memeluk anak internasional enda, marilah i tengah-tengah kesibuken, kemarahan ras kelatihenta, sempatkan ndakep anakta. Dakepenta pergegeh man bana, pergegeh man banta.